


Donostiako taxistek aurreakordioa lortu dute Eusko Jaurlaritzarekin

Tarifa eskaintza berri bat egingo dute Prezio Batzordearen aurrean

Donostiako taxistek aurreakordio batera iritsi ziren astearte gauean Andoni Monforte Eusko Jaurlaritzako Merkataritza sailburuordearekin, beren eskakizun ekonomikoek sortutako gatazkari irtenbidea emateko. Donostiako udaletxean izandako bileran lortu zen aurreakordioaren ondorioz, taxista donostiarrak atzo bertan hasi ziren berriro 131 pezeta kobratzen bandera jaitzieragatik.

DONOSTIA



Donostiako taxistak. CARLOS VILLAGRAN

321 pezetako prezio minimoa kobratzen zuten taxistek. Horren ondorioz, hauek bigarren geldialdia egitea erabaki zuten astearte eguerdian.

UDALETXEKO BILERAKO AKORDIOA

Taxistek eskatu igoera, hiri barruko ibilbide laburreko tarifari zegokion. Garraioko langile horiek kexatu egin ziren bandera jaitzieragatik 131 pezeta kobratuta bidaia laburretan dirua galtzen ateratzen zirelako. Beraien datuen ar-

bera, Donostian egindako ibilbideen % 40, 225 eta 335 pezeta bitartekoak dira; % 30, berriz, 335 eta 450 pezeta bitartekoak eta bidaien % 25, 225 pezetatik beherakoak. «bandera jaitzieragatik 131 pezeta kobratuta ezin dugu aurrera segi —salatu dute—, zerbitzu gehienetan 180 pezeta ere ez bait ditugu irabazten eta dirua galtzen dugu».

Donostiako udaletxan taxistak, Odon Elorza alkatea eta Andoni Monforte sailburuordearen artean izandako bileran, taxistek laster prezio eskaintza berri bat aurkeztea erabaki zen. Eskaintza hori bandera jaitzieraren gaineko igoera izango da seguruenik eta Eusko Jaurlaritzako Prezioen Batzordeak aztertuko du berriro hilabete honen 23an eta, onartua izanez gero, irailaren hasieran hasiko litzateke indarrean.

Akordioaren arabera, taxi sektoreak Donostian duen arazoari buruzko azterketa bat ere egingo da irailetik aurrera eta, azterketa honen arabera, 1992. urteko urtariletik aurrera tarifa egokiak finkatu ahal izateko. Bitartean, Donostiako taxistak bertan behera utzi dute 321 pezetako tarifa minimoa kobratzeko neurria eta atzo bertan hasi ziren 131 pezeta kobratzen bandera jaitsieragatik, orain arte bezala.

Iruñeko Aurrezki kutxak 587 milioi irabazi ditu aurtan

IRUÑEA

Iruñeko Aurrezki Kutzak 587 milioi pezeta (30 milioi libera) irabazi ditu aurtengo lehenbiziko sei hilabeteetan, Manuel Lopez Merino iruñear aurrezki entitateko zuzendariak prentsa agiri baten bidez atzo jakin erazi zuenez.

Iruñeko Aurrezki Kutzak aurrezkitutako txostenean, 1991. urteko lehen hiruhilabetearen kuxa horrek % 13,76ko hazkundea izan zuela azpimarratu da. Horretaz, aurtengo ekitaldiaren bukatzean, emaitza horiek bikoiztea espero dutela adierazi du Manuel Lopez Merino zuzendariak.

1991ko urtariletik ekaina arte Nafarroako kutxa horretan gorde-derik dauden besteren errekursoak ere % 15,11 gehitu direla gaineratu da, aurrezki kutxa horrek ezagutzera emandako agiriari. Horretaz, «pasiboaren hazkundeari degokionez Iruñeko Aurrezki Kutxa, sektoreko beste guztien aurrean dago», entitateko zuzendariak ziurtatu duenez.

PASIBO IGOERARIK ALTUENA

Aurrezki Kutxa horretako pasibo pilatuaren igoera, berriz, % 21,80koa izan da azken hamabi hilabeteotan, «sektorean izan den altuena», zuzendariaren

esanetan. Aurtengo ekainaren 30ean, besteren errekurso osoak 85.733 milioi pezeta (4.286 libera) izatera iritsi ziren, 15.351 milioi gehiago aurreko ekitaldiko garai berean baino.

Azkenik, kreditu inbertsioari degokionean, aurtengo lehen sei hilabetearen % 10,20 gehitu direla eta, guztira, 44.140 milioi (2.207 milioi libera) iritsi direla azaldu du txostenean. Aurtengo lehenbiziko sei hilabeteetan, 10.419 milioi 3.098 maileru eman ditu Iruñeko Aurrezki Kutzak.



Iruñeko Kutxa.

Lan istripuen kopurua lehen aldiz jaitsi zen 1990. urtean Bizkaian

V.P. / BILBO

Azken hamabost urteotan ez bezala jaitsi zen iaz Bizkaian lan istripuen kopurua, % 1,87koa, hain zuzen ere. Ehun mila langile baino gehiago biltzen dituen Mutua Vizcaya Industrialek aseguru erakundearen 1990. urteko memorian jasotzen denez, istripu larrien kasuak % 0,05 jaitsi dira urte horretan.

Mutua horretako Arrisku Prebentzioarako saileko iturriek aditzera eman dutenez, jaitzieraren arrazoi garrantzitsuenetakoa, enpresetan Eusko Jaurlaritzako Zerbitzu Sozialak eta Mutuek egiten dituzten aholkularitza eta prebentzio kanpainen oinarritutako litzateke gehien bat.

Iaz Bizkaian izandako lan istripuetan, langileek eskuetan izan zituzten zauririk larrienak, % 35,4ko berriztatzearekin, eta ondoren oin eta begietan. Istripu horietan, zauri gehienak tresna eta erreminta kolpeak eragin dituzte. Zaurien arrazoiak artean, gehiegizko esfortzua egitea, tresneriaren artean harrapatua izatea eta laneko materialaren zipritzeak eragindako ondorioak egongo lirateke, iturri berberen arabera.



Istripu gehienak eraikuntzan gertatu ziren berriro.

gehienak. Jarraian metala eraldatzeko enpresak, makinaria eta eskulan industriak daude. Azpimarragarria da 1990. urtean nekazaritza sektorean istripu kopurua % 30ekoa izan zela.

Mutuako iturriek adierazi dutenez, Bizkaiko enpresa txiki eta ertainen kopuruak istripuen arazoa larriagotu egiten du, plantilan langile

asko ez izatean ez bait dute prebentzio teknikorik kontratatze ardurarik hartzen.

Iturri berberak enpresen arazoarekiko «sentsibilitatea areagotzea» beharrezkoa dela azpimarratu dute. Zenbait enpresa, Tubos Reunidos adibidez, hasiak dira INEMeko jendea kontratatu eta segurtasun arloan hezitzen.

LOIOLAKO BASILIKA

KONTZERTU ZIKLOA
UZTAILA MUSIKALA

UZTAILAK 19 20:30 O.

PEDRO COROSTOLA
ETA MANUEL CARRA
VIOLONCELLO ETA PIANO

UZTAILAK 20 20:30 O.

NARCISO YEPES
GITARRA



LOIOLA'91

INAZIO DONEAREN V MENDEURRENA

BANCO
Guipuzcoano

LOIOLA'91 BANKU OFIZIALA

ISTRIPU GEHIENAK ERAIKUNTZAN

Aktibitateen arabera, eraikuntzan izan dira istripurik